



## Cumün da Valsot

Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Poz 86 • CH-7556 Ramosch

### Affischa

Suprastanza cumünala dals 22.04.2020

Presidi: Peer-Puorger Victor  
Participant/s: Mayer-Schlegel Armon  
Caviezel-Domenig Ursina  
Kirchen-Werro Armon  
Riatsch-Fedi Fadri  
S-chüsà:  
Protocol: Oswald Gian Claudio  
Fabrica: Paulmichl-Rodigari Albin  
Gias/s:

| tractandas | tema                                                                                                                                                                               | responsabel |
|------------|------------------------------------------------------------------------------------------------------------------------------------------------------------------------------------|-------------|
| 1          | 0120 Executiva<br><b>Acconsentimaint protocol</b>                                                                                                                                  | tuots       |
| 2          | 0220 Uffizi da fabrica<br><b>Dum. da fabrica no. 006/2020, restauraziun da las fatschadas, Vonmoos Carlo, parcella no. 51, Pedval 158, 7557 Vnà</b>                                | vp/ap       |
| 3          | 0220 Uffizi da fabrica<br><b>Dum. da fabrica no. 007/2020, chamonna da üert, Lüscher Bruno, parcella no. 123, Salina 66C, 7556 Ramosch</b>                                         | vp/ap       |
| 4          | 0220 Uffizi da fabrica<br><b>Dum. da fabrica no. 012/2020, sbodamaint dal stabilimaint da la resgia veglia, Resgia Koch SA, parcella no. 364, Plan da Muglin 90A, 7556 Ramosch</b> | vp/ap       |
| 5          | 0220 Uffizi da fabrica<br><b>Dum. da fabrica no. 016/2020, Foura d'aldüm, Cantieni-Lanfranchi Andri, parcella no. 10344, Seraplana 142, 7558 Strada</b>                            | vp/ap       |
| 6          | 0220 Uffizi da fabrica<br><b>Dum. da fabrica no. 056/2019, foura d'aldüm, Thom-Melcher Giacomina, parcella no. 11284, Val Chomp Nov, 7558 Strada</b>                               | vp/ap       |

- 7201 Provedimaint d'aua persa  
**Sarinera Martina**  
7 Dumonda da credit da fr. 72'000 / rimplazzamaint da pumpas vp/ap
- 9630 Stabels da la facultà da finanzas  
**Fits per drets da fabrica**  
8 Clà Duri Janett / dumonda per transferir il contrat existent da dret da fabrica sùlla ditta vp/go  
Janett Tschlin SA in fundaziun  
+ impraist sainza fits dal cumün anteriur da Tschlin
- 2100 Scoula  
**Scoula**  
9 Concept per lavur da giuventüna a Valsot ak
- 0120 Executiva  
**Orientaziuns**  
10 tuots
- 0120 Executiva  
**Varia (suprastanza cumünala)**  
11 tuots

0120 Executiva

**41 Acconsentiment protocol**

Il protocol da la sezzüda dals 30 da marz 2020 vegn approvà.

0220 Uffizi da fabrica

**42 Dum. da fabrica no. 006/2020, restauraziun da las fatschadas, Vonmoos Carlo, parcella no. 51, Pedval 158, 7557 Vnà**

Il manader tecnic spiega l'intent cha'l petent ha inoltrà. Quel dumonda da pudair refar differentas parts da las fatschadas da sia chasa. Sün fotografias da las fatschadas sun marcadas las surfatschas cha'l petent prevezza da refar. Il permiss davart dal chantun per montar il puntin es avant man.

La suprastanza va d'accord cul intent e decida da conceder il permiss da fabrica.

0220 Uffizi da fabrica

**43 Dum. da fabrica no. 007/2020, chamonna da üert, Lüscher Bruno, parcella no. 123, Salina 66C, 7556 Ramosch**

Il manader tecnic spiega l'intent dal petent. Quel ha inoltrà la dumonda per realisar üna chamonna da üert davo sia chasa. Tenor la dumonda esa previs da realisar quella cun elemaints in lain massiv ed ün tet plat. La chamonna ha seguintas masüras, 3.59 m lunga, 2.56 m largia e 2.46 m ota. L'intent as mouva ils roms pussibels.

La suprastanza va d'accord cul intent e decida da conceder il premiss.

0220 Uffizi da fabrica

**44 Dum. da fabrica no. 012/2020, sbodamaint dal stabilimaint da la resgia veglia, Resgia Koch SA, parcella no. 364, Plan da Muglin 90A, 7556 Ramosch**

La petenta prevezza da sbodar il stabel da la resgia veglia illa zona da mansteranza a Plan da Muglin. Ün'examinaziun da las substanzas dal stabel tras la ditta Bulfoni Bauleitung scri demuossa, cha tuot il stabel es gnü fabrichà obain in lain o lura cun materials minerals, il tet es our da tola. L'allontanamaint dals materials ha da succeder tenor las prescripziuns valablas (laina culurida e.u.i.). Implü han ils attachs d'aua e da la chnalisaziun da gnir fabrichats inavo. Medemmamaing han eir da gnir tut davent ils attachs da forz'electricica e da telefon. La petenta vegn obliada d'allontanar al listess mumaint tuot il material e las scorzas ramassadas sül terrain cumünal. Müdamaints da terrain nu pon gnir fats ingüns. Ils terms nu das-chan gnir allontanats. Davo cha tuot las lavurs sun effetuadas vegnan controllats quels tras il geometer. Ils cuosts in quist connex ha da surtour la petenta.

La suprastanza decida da concecer il premiss, però culs oblig manzunats survart.



0220 Uffici da fabrica

- 45 **Dum. da fabrica no. 016/2020, Foura d'aldüm, Cantieni-Lanfranchi Andri, parcella no. 10344, Seraplana 142, 7558 Strada**

Il manader tecnic spiega l'intent dal petent. Quel prevezza da realisar ün ingrondimaint da la foura d'aldüm, quai our dal motiv cha las dimensiuns da la foura existenta nun sun plü sufficiaintas. L'intent as mouva ils roms da la ledscha. Il gremi discutta la problematica culla realisaziun da similis fabricats. Cun quist problem saran in futur confruntats adüna daplüs bains agriculs. Las fouras existentas sun massa pitschnas, e davart da l'uffizi d'agricultura e da geoinfuormaziun vegn pretais cha la capacità vegn augmantada cun ingrondimaints da fouras existentas obain culla realisaziun da fouras novas. Per quels bains chi nun es pussibel da realisar ün ingrondimaint sper la foura existenta dess gnir tematisà quist problem culla miglioraziun. Cun quels vala d'examinar la realisaziun d'ün fabricat cumünaivel.

La suprastanza decida d'inviar la dumonda da BAB a Cuoir.

0220 Uffici da fabrica

- 46 **Dum. da fabrica no. 056/2019, foura d'aldüm, Thom-Melcher Giacomina, parcella no. 11284, Val Chomp Nov, 7558 Strada**

Il manader tecnic spiega l'intent da la petenta. Implü manzuna el ils sclerimaints chi sun fingià gnüts fats davart dal uffizi da fabrica pro l'uffizi per il svilup dal territori, l'uffizi d'agricultura e da geoinfuormaziun e l'uffizi per la natüra e l'ambient. L'uffizi per il svilup dal territori va da princip d'accord culla realisaziun da tals fabricats, mo els cussaglian da reponderar il lö pella realisaziun. L'uffizi d'agricultura e da geoinfuormaziun insista sül oblig da la realisaziun d'ün augmaint da la capacità da la foura d'aldüm. L'uffizi per la natüra e l'ambient nun va d'accord culla schelta dal lö. Els propuonan in quist cas da realisar quist fabricat sün üna parcella ingio chi pudess plü tard eir gnir realisada üna stalla nouva. Il lö per realisar la foura d'aldüm es part d'üna zona fich delicata. La realisaziun d'üna foura d'aldüm in quel territori es da metter in dumonda.

La suprastanza decida cha la petenta ha da gnir orientada sur dals sclerimaints fats. Ella dess reponderar il lö ed inoltrar üna nouva dumonda per la realisaziun sün ün'otra parcella, obain redüer la quantità d'armaints da maniera cha la foura existenta es sufficiainta.

7201 Provedimaint d'aua persa

- 47 **Sarinera Martina**

Dumonda da credit da fr. 72'000 / rimplazzamaint da pumpas

Il manader tecnic spiega la situaziun in connex cullas pumpas da lindorna illa sarinera a Martina. Quellas sun üsadas giò da maniera chi han da gnir rimplazzadas. Il diameter da l'alber es per exaimpel üsà giò da 7 cm sün 3.5 cm. La lindorna s'ha glimada uschè lönch vi dal tüb ch'ella es defuormada da maniera chi nun es pussibel da tilla refar. Il ris-ch cha quellas pumpas nu transportan bainbod plü l'aua persa es grond. Il manader tecnic ha procurà ün'offerta e miss insembel üna survista da tuot ils cuosts da las lavurs da rimplazzamaint, quella as preschainta seguaintamaing:

|                          |     |           |
|--------------------------|-----|-----------|
| nouvas pumpas            | fr. | 65'016.00 |
| demontascha+adattaamints | fr. | 3'500.00  |
| lavurs d'electricier     | fr. | 600.00    |
| grü                      | fr. | 1'500.00  |

|               |     |           |
|---------------|-----|-----------|
| material      | fr. | 500.00    |
| cuosts totals | fr. | 71'116.00 |

L'import surpassa las cumpetenzas da la suprastanza, causa chi's tratta però d'investiziuns liadas decida la suprastanza d'ir d'accord cul intent e da surdar las lavurs da rimplazzamaint da las pumpas. Argumentà vegn quist pass culla necessità da pumpas chi funcziunan. Per cha las lavurs in connex culla sarinaziun da l'aua persa pon gnir proseguidas ston las pumpas funcziunar obain gnir rimplazzadas.

9630 Stabels da la facultà da finanzas

#### **Fits per drets da fabrica**

- 48** Clà Duri Janett / dumonda per transferir il contrat existent da dret da fabrica sùlla ditta Janett Tschlin SA in fundaziun  
+ impraist sainza fits dal cumün anteriur da Tschlin

La ditta Cla Duri Janett vegn transfuormada in üna società anonima cul nom Janett Tschlin SA. In quist connex ha inoltrà la ditta la dumonda per pudair surtour il contrat da dret da fabrica illa zona da mansteranza a Sclamischoth sùlla nouva ditta. Implü vess eir il debit sainza fit dal anteriur cumün da Tschlin da gnir surscrit sùlla società anonima.

La suprastanza decida da far bun la dumonda e da dar l'acconsentimaint necessari.

2100 Scoula

#### **49 Scoula**

Concept per lavur da giuventüna a Valsot

Armon Kirchen spiega cha l'idea oriunda d'eira da realisar in cooperaziun culs cumüns da Scuol e Zernez ün concept per lavur da giuventüna, quai chi nun ha funcziunà. Uschè cha pel cumün da Valsot es gnü s-chaffi ün concept per quel bsögn. Quel concept es gnü fat bun tras il cussagl da scoula. Previs es d'ingaschar üna persuna chi surpiglia in basa ad uras la sorveglianza e l'organisaziun dal local. Ils cuosts totals per quista sporta s'amuntan a fr. 6'000.00 pel prüm on. Quels han da gnir calculats annualmaing da nouv. Pell'organisaziun da la sala averta as po dumondar a l'uffizi da sandà dal Chantun Grischun per üna contribuziun vi dals cuosts (10 termins fr. 1'000.00, 5 termins fr. 500.00). Sco lös sun gnüts tschernüts il tir da 10 meters a Ramosch e la chamonna a Panas-ch.

La suprastanza va d'accord cul intent e decida da publicar la piazza. Unicamaing vegn missa in dumonda la quantità da duos termins a'l mais, quai chi para plüchöntscher.

0120 Executiva

#### **50 Orientaziuns**

##### Bogn Engiadina, Scuol

Armon Kirchen orientescha cha'ls bogns sun gnüts serrats our da motivs dal coronavirus la saira dals 13 da marz. Daspö la sun be plü pacs impiegats chi lavuran, per la gronda part es gnüda fatta la dumonda per lavur a temp redot. In connex culs abunamaints dal bogn es previss da tils prolungar pel temp cha'l bogn resta serà. Eir pels bogns significha quista crisa üna sfida finanziaria. Adonta da quai ha il cussagl administrativ decis da realisar l'annex vers vest. Quel vegn dat a fit a lunga vista.



Biereria Tschlin SA

Fadri Riatsch ingrazcha in nom dal cussagl administrativ da la ditta al cumün pel sustegn in connex cul fit dal stabel. El manzuna implü cha'l manader da gestiun haja ad incuort gnü fich blera lavur. Ad el es reuschi da vender tuot la reserva da biera chi d'eira il magazin. Uossa pon els darcheu cumanzar a prodüer quantitats plü pitschnas.

Center da sandà Engiadina Bassa

Il capo spiega la situaziun in connex cullas masüras da corona pel ospidal. I d'eiran gnüts preparats 54 lets, 45 da quels per cas da corona e 9 per ulteriur cas urgients. Cun exepziun da duos lets per ün per pacs dis nun es gnü fat adöver da gnanc'ün oter let. Las consequenzas finanzialas sun massivas. Il Chantun Grischun ha decis da contribuir als ospitals munaida per surpunter quist temp. Il Chantun aintra in trattativas cullas chaschas d'amalats per sclerir co cha quellas as partecipeschan vi da quist problem. Las chaschas d'amalats sun las usafructarias da la crisa. Numerusas operaziuns nun sun gnüdas realisadas, ed eir accidaints haja dat bleruns damain. Uschè cha las chaschas d'amalats han gnü blerun damain cuosts. Positiv es cha a partir da lündeschdi ils 27 d'avrigl continua l'ospidal cullas activitats solitas. Quant ota ch'üna contribuziun vi dals cuosts davart da nos cumün sarà nus po amo preverer.

0120 Executiva

**51 Varia (suprastanza cumünala)**Vias champestras

Fadri Riatsch manzuna cha la via da Vnà vers Griosch as rechatta in ün stadi fich nosch. Scha'l cumün nu voul ir aint ris-chs schi foss da trar masüras per tilla sgürar quella. In quist connex manzunan il capo ed il manader tecnic ch'eir els han constatà similis problems. Impustüt sajan las vias cha la meglioraziun ha realisà obain reffat pertoccas. Els sun da l'avis ch'in connex culla planisaziun da quellas vegnan fat sbagls. Las drenaschas sun insufficiaintas e las chanals a travers nu sun gnüdas plazzadas ingio chi tillas bsgöna. Our da quist motivs sun parts da vias schlavadas oura da maniera cha las chanals stan per aier. In quist connex vegn decis da render attent la meglioraziun da quist problems. Id es eir da tscherchar üna soluziun in connex culs cuosts da mentegnimaint. Quels ston nempe gnir surtuts da la meglioraziun. In connex cun quistas vias vegn eir decis da tractandar ad üna prosma sezzüda da suprastanza co continuar cun surpassamaints da tonnascha. Diversas lavurs ils god, sco eir quellas da meglioraziun, vegnan planisadas sainza resguardar quellas limitas. Las cumpetenzas in quist connex sun pro la suprastanza.

Chasa da scoula Tschlin

Il capo deplorescha chi sun gnü fat rimprovers davart da commembers da la cumischiun chi s'occupa culla vendita da la chasa da scoula in connex cun seis aboccamaint cun Theodor Biert. Quel aboccamaint nun ha gnü da chefar nöglia cullas activitats da la cumischiun. El accentuescha sia trasparenza in quist connex, l'infuormaziun cha quel aboccamaint ha gnü lö conferma quai.

7556 Ramosch, 30.04.2020



Il capo:

Il manader administraziun: